

Palaseqarfiit agguataarneri pillugit Namminersorlutik Oqartussat nalunaarutaat

Ilageeqarnek pillugu Inatsisartut inatsisaanni nr. 9-mi, 19. maj 2010-meersumi aalajangersarneqarpoq:

§ 1. Illoqarfiit ataasiakkaarlutik nunaqarfii ilanngullugit tassaapput palaseqarfiit, taamaattorli tak. imm. 2.
Imm. 2. Ivittuut aamma Paamiut illoqarfii Paamiut palaseqarfianiipput.

§ 2. Kommunit agguataarnerisa avataaniittuni ilagiit pillugit suliaassat, ilagiit atuagaasa allattortarneri, nalunaarusiortarnerit il.il. pillugit suliaassat ilanngullugit, domprovstimit suliarineqartassapput, taamaattorli tak. imm. 2. Qeqqani Tunumilu Provsteqarfimmi palasit arlaat ataaseq amerlanerusulluunniit suliaassanik tamanik ilaannaannilluunniit isumaginnittussatut Domprovstip toqqarsinnaavai.
Imm.2. Pituffimmut ilageeqarnikkut suliaassat, atuagarsualerinerit, nalunaarusiortarnerit il.il. pillugit suliaassat ilanngullugit Avannaani provstip isumagissavai. Avannaani provsteqarfimmi palasit arlaat ataaseq amerlanerusulluunniit suliaassanik tamanik ilaannaannilluunniit isumaginnittussatut Avannaani Provstip toqqarsinnaavai.

§ 3. Nalunaarut manna 1. marts 2011-mi atuutilerpoq.
Imm.2. Tamatumunnga peqatigitillugu Palaseqarfiit agguataarneri pillugit Namminersornerullutik Oqartussat nalunaarutaat nr. 1, 9. januar 2009-meersoq atorunnaarsinneqarpoq.

Namminersorlutik Oqartussat, ulloq 28. januar 2011.

Mimi Karlsen

/

Lise Lennert Olsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut